

այսպիսի պայմաններում հիւանդութիւնը տանում է բազմաթիւ անմեղ զոհեր, որպէս մինչև այժմ եղել է: Եւ երբ նրանց բացատրում ես, որ տարափոխիկ հիւանդից պէտք է հեռու մնալ, նրա ամանից չպէտք է ուտել, խմել և ծխել, (քանի որ միևնոյն ղէլլանից հարիւրաւոր մարդիկ ծխում են), ահա թէ ինչ են պատասխանում ընդհանրապէս նրանք. «ախր պարոն դու էլ խօ անաստածացել ես. ինչ որ դսմոթ է, էն էլ կըլնի, յիսկի վախտ Աստծու դէմ մի խօսա»:

Շատ անգամներ նրանք բժշկւելու համար դիմում են սրբերին, ուխտ գնալով զանազան ուխտատեղիներ, իսկ սովորական հիւանդութիւնների բժշկութեան միջոցները գործադրում են գերզաստանի մեծ մայրերն ու ծերունիները և երբ նկատում են, որ այդ միջոցները չեն օգնում, նոր դիմում են զիւղերում թափառող խաբեբայ հրեայ «հէքիմներին», որոնք մի քանի դեղի անուն սովորելով սկսում են վստահօրէն պարսպել բժշկութեամբ և իրենց գիտութեամբ առողջացնելու փոխարէն աւելի ևս ծանրացնում, հասարակ հիւանդութիւններն աւելի բարդացնում ու բազմաթիւ կեանքեր ոչնչացնում, և դեռ մեր գիւղացի ժողովուրդն էլ վստահանում է նրանց. սակայն նա ինչով է մեղաւոր . . .

Ահա այս և այսօրինակ չարիքի առաջն առնելու համար նպատակաւարմար էր, որ Զուղայից տարւայ գոնէ որոշ ամիսներին բժիշկ ուղարկւէր Փէրիայի հայաբնակ գիւղերը, որի կարիքն այնքան հրամայական է և անհրաժեշտ բժշկական օգնութիւնից զուրկ գիւղացիների համար:

Տնտեսական վիճակ: Շատ մռայլ և ողբերգական պատկեր է ներկայացնում ընդհանրապէս Փէրիայի գիւղացիութեան տնտեսական վիճակը: Գիւղացիք մեծամասնութեամբ հողազուրկ—աւրեա ժողովուրդ են. չունեն սեպհական կալւածներ և մինչև այժմ էլ կառավարւում են հին ֆեոդալական կարգերով: Կալւածատէր խաները և առբարներն, որ շարունակում են իրենց ճնշող գոյութիւնը մինչև այսօր